

HIERONYMI FRACASTORII  
SYPHILIS,  
SIVE MORBUS GALLICVS.

Romæ, M. D. XXXI. mense Septembri

*Non sine Priuilegio, multâq; pecuniaria, & excommu-  
nicationis pœna, prout in Priuilegijs continetur.*



THE HISTORY OF THE  
SYNOPSIS  
OF THE MORALS OF THE  
GOSPEL

BY  
JAMES H. BAXTER

IN TWO VOLUMES.  
VOLUME I.

HIERONYMI FRACASTORII  
 SYPHILIS,  
 SIVE MORBUS GALLICVS,  
 AD P. BEMBVM.



VI casus rerum uarij, quæ se-  
 mina morbum  
 Insuetum, nec longa ulli per  
 secula uisum  
 Attulerint: nostra qui temper-  
 state per omnem

Europam, partimq; Asiæ, Libyæq; per urbes  
 Scæuit, in Latium uero per tristia bella  
 Gallorum irrupit: nomenq; à gente recepit.  
 Necnon & quæ cura, & opis quid comperit usus,  
 Magnaq; in angustiis hominum sollertia rebus:  
 Et monstrata Deum auxilia, & data manera cæli,  
 Hinc canere, & longe secretas quærere causas  
 Aëra per liquidum, & uasti per sydera olympi  
 Incipiam, dulci quando nouitatis amore  
 Corruptum placidi Naturæ suauibus horti  
 Floribus inuitant: & amantes mira Camæna.

Bembe decus clarum Ausoniæ, si forte uacare  
 Consultis Leo te à magnis paulisper, & alta  
 Rerum mole sinit, totum qua sustinet orbem:

Et iuuat ad dulces paulum secedere Musas:  
Ne nos̄tros contemne orsus, medicum ꝑ labore m:  
Quicquid id est, Deus hæc quondã dignatus Apollo est:  
Et paruis quo ꝑ rebus inest sua sæpe uoluptas.  
Scilicet hac tenui rerum sub imagine mul tum  
Naturæ fati q̄ subest, & grandis origo.

Tu mihi, quæ rerum causas, quæ sydera noscis,  
Et cœli effectus uarios, atq; æris oras,  
Vranie (sic dum pro puro spectariis olympo:  
Metiris q̄ uagi lucentes ætheris ignes:  
Concentu tibi diuino cita sydera plaudant)  
Ipsa ades: & mecum placidas Dea lude per umbras:  
Dum tenues auræ, dum myrtea sylua canenti  
Aspirat, resonatq; cauis Benacus ab antris.  
Dic Dea quæ causæ nobis post secula tanta  
Insolitam peperere lumen: num tempore ab illo  
Vecta mari occiduo, nostrum peruenit in orbem:  
Ex quo lecta manus soluens de littore Ibero  
Ausu fretum tentare, uagiq; incognita ponti est  
Aequora, & orbe alio positas perquirere terras:  
Illic nanq; ferunt, æterna labe per omnes  
Id morbi regnare urbes, passim q̄ uagari  
Perpetuo cœli uitio, atq; ignoscere paucis  
Commercine igitur causa accessisse putandum est  
De latam contagem ad nos: quæ parua sub ipsis

Principijs, mox & uires & pabula sensim  
Suscipiens, sese in terras diffuderit omnes:  
Vt sæpe in stipulas cecidit quum forte fauilla  
De face, neglectam pastor quam liquit in aruo.  
Illa quidem tenuis primum, similisq; moranti  
Incedit: mox ut paulatim increuit cundo,  
Tollitur, & uetrix messem populatur, & agros,  
Viciniq; nemus: flammâq; sub æthera iacet.  
Dat sonitum longe crepitans Iouis auiæ sylua:  
Et cælum late circum, campiq; relucet.

At uero, si rite fidem obseruata merentur,  
Non ita censendum: nec certe credere par est  
Esse peregrinam nobis, transq; æquora uetam  
Contagem: quoniam in primis ostendere multos  
Possumus, attactu qui nullius hanc tamen ipsam  
Sponte sua sensere luem, primiq; tulere.  
Præterea & tantum terrarum tempore paruo  
Contages non una simul potuisset obire.  
Aspice per Latij populos, quiq; herbida Sagræ  
Pascua, & Ausonios saltus, & Iapygis oræ  
Arua colunt: Specta Tyberis qua labitur, & qua  
Eridanus centum fluuijs comitatus in æquor,  
Centum urbes rigat, & placidis interfluit undis.  
Vno nonne uides ut tempore pestis in omnes  
Sæuij: ut sortem pariter transegimus unam?

Quin etiam externos eadem per tempora primum  
Excepisse ferunt: nec eam cognouit Ibera  
Gens prius, ignotum quæ scindere puppibus æquor  
Ausu fuit: quàm quos determinat alta Pyrene,  
Atque freta, atque Alpes cingunt, Rhenusque bicornis:  
Quàm reliqui, quos lata tenet gelida ora sub Arcto.  
Tempore non alio Pæni sensistis, Et omnes  
Qui lætam Aegyptum metuis, fecundaque Nilo  
Arua: & palmifera sylvas tondetis Idumes.  
Quæ quum sic habeant sese: nempe altius istius  
Principium labi, rerumque latentior ordo,  
(Ni fallor) grauiorque subest, & maior origo.

Principio quæque in terris, quæque æthere in alto,  
Atque mari in magno, Natura educit in auras:  
Cuncta quidem nec sorte una, nec legibus iisdem  
Proueniunt: sed enim quorum primordia constant  
E' paucis, crebro ac passim pars magna creantur.  
Rarius autem alia apparent, & non nisi certis  
Temporibusue, locisue, quibus uiolentior ortus,  
Et longe sita principia, ac nonnulla, priusquam  
Erum pant tenebris Et opaco carcere noctis,  
Mille trahunt annos, spatiosaque secula poscunt.  
Tanta ui coeunt genitalia semina in unum.

Ergo & morborum quoniam non omnibus una  
Nascenti est ratio: facilis pars maxima uisu est:

Et faciles ortus habet, & primordia præsto.  
Rarius emergunt alij: & post tempore longo  
Difficiles causas, & inextricabile fatum,  
Et sero potuere alias superare tenebras.  
Sic Elephas sacer Ausonijs incognitus oris,  
Sic Lichen latuere diu: quibus accola Nili  
Gens tantum, regioq; omnis vicina laborat.

De genere hoc est dira lues, quæ nuper in auras  
Exijt: & tandem sese caligine ab atra  
Exemit: durósq; ortus, & uincula rupit.  
Quam tamen (æternum quoniam dilabitur æuum)  
Non semel in terris uisam, sed sæpe fuisse,  
Ducendum est: quanquam nobis nec nomine nota  
Hactenus illa fuit, quoniam longæua uetustas  
Cuncta situ inuoluens, & res, & nomina delet:  
Nec monumenta patrum scri uidere nepotes.

Oceano tamen in magno sub sole cadente  
Qua misera inuentum nuper gens incolit orbem,  
Passim oritur: nullisq; locis non cognita uulgo est.  
Vsq; adeo rerum causæ, atq; exordia prima,  
Et cælo uariare, & longo tempore possunt.  
Quodq; illic fert sponte ær, & idonea tellus:  
Huc tandem annorum nobis longa attulit ætas.  
Cuius forte suo si cunctas ordine causas,  
Nosse cupis: magni primum circumspecte mundi.



Quantum hoc insecit uitium : quot adiuerit urbes.  
Quumq; animaduertas, tam uastæ seminalabis  
Esse nec in terræ gremio, nec in æquore posse:  
Haud dubie tecum statuas, repulcraq; necesse est,  
Principium, sedcmq; mali consistere in ipso  
Aëre, qui terras circum diffunditur omnes:  
Qui nobis sese insinuat per corpora ubiq;  
Suctus & has generi uiuentum immittere pestes.  
Aër quippe pater rerum est, & originis auctor.  
Idem sæpe graues morbos mortalibus affert,  
Multimode natus tabescere corpore molli,  
Et facile affectus capere, atq; inferre receptos.  
Nunc uero quonam ille modo contagia traxit,  
Accipe: quid mutare queant labentia secla.

In primis tum Sol rutilus, tum sydera cuncta  
Tellurem, liquidasq; auras, atq; æquora ponti  
Immutant, agitantq; : utq; ipso sydera cælo  
Mutauere uicem, & sedes liquere priores:  
Sic elementa modis uarijs se grandia uertunt.  
Aspice ut hibernus rapidos ubi flexit in Austrum  
Phœbus equos : nos trumq; uidet depressior orbem:  
Bruma riget, duratq; gelu, spargitq; pruina  
Tellurem: & gelida glacie uaga flumina sistit.  
Idem, ubi nos Cancro propior spectauit ab alto,  
Vrit agros, arent nemora, & sitientia prata.

Siccâq;



Siccaq; puluereis æstas squallefcit in aruis.  
Nec dubium, quin & noctis nitor, aurea Luna,  
Qui maria alta, omnis cui rerum obtemperat humor:  
Quin & Saturni graue sydus, & æquior orbi  
Stella Iouis, quin pulchra Venusq;, & Martius ignis,  
Ac reliqua astræ etiam mutent elementa, trahantq;  
Perpetuum: & late magnos dent undiq; motus.  
Præcipue sedem si quando plurima in unam  
Conuenerunt: suo uel multum deuia cursu  
Longe alias tenuere uias. hæc scilicet annis  
Pluribus, & rapidi post multa uolumina cæli  
Eueniunt: Dijs fata modis uoluentibus istis.  
Ut uero euenisse datum est: numerumq; diesq;  
Exegere suos, præfixaq; tempora satis:  
Proh quanta ærios tractus, salsa æquora quanta,  
Telluremq; manent. alibi quippe omnia late  
Cogentur spatia in nubes: cælum imbribus omne  
Soluatur: summisq; uoluti montibus amnes  
Præcipites secum syluas, secum aspera saxa,  
Secum armenta trahent: medius pater impete magno  
Aut Padus, aut Ganges super. & nemora alta, domosq;  
Turbidus, æquabit pelago freta lata sonante.  
Æstates alibi magnæ condentur: & ipsæ  
Flumina speluncis flebunt arentia Nympha.

Aut uenti cuncta inuertent: aut obice clausi  
Excutient tellurem imam, & cum turribus urbes.  
Forſitan ¶ tempus ueniet, poſcentibus olim  
Natura, fatiſq; Deum, quim non modo tellus  
Nunc culta, aut obducta mari, aut deſerta iacebit:  
Verum etiam Sol ipſe, nouum (quis credere poſſit)  
Curret iter: ſua nec per tempora diffluet annus.  
Aſt inſueti æſtus, inſuetaq; frigora mundo  
Inſurgent: & certa dies animalia terris  
Monſtrabit noua: naſcentur pecudeſq; feraq;  
Sponte ſua: primaq; animas ab origine ſument.  
Forſitan & maiora audens producere Tellus  
Cœumq;, Enccladumq; feret, magnumq; Typhocœa,  
Auſuros patrio ſuperos detrudere cœlo:  
Conuiſumq; Oſſan nemoroſo imponcre Olympo.

Quæ quum perſpicias: nihil eſt cur tempore certo  
Amirere, nouis magnum marceſcere morbis  
Aëra: contageſq; nouas uiuentibus ægris  
Sydere ſub certo fieri, & per ſecula longa.

Bis centum fluxere anni, quum flammea Marte  
Lumina Saturno triſti immiſcente, per omnes  
Auroræ populos, per quæ rigat æquora Ganges,  
Inſoluta exarſit febris: quæ pectore anbelo  
Sanguineum ſputum exagitans (miſerabile uiſu)

Quarta luce frequens fato perdebat acerbo  
Illa eadam Assyriæ gentes, & Persidos, & quæ  
Euphratem, Tigrimq; bibunt: post tempore paruo  
Corripuit, dicesq; Arabas, mollemq; Canopum,  
Inde Phrygas: inde & miserum trans æquora uecta  
Infecit Latium, atq; Europa sæuijt omni.

Ergo age iam mecum, semper sese æthera circum  
Voluentem, superumq; domos, ardentiaq; astra  
Contemplare: animumq; agitans per cuncta, require  
Quis status illorum fuerit: quæ signa dedere  
Sydera: quid nostris cælum portenderit annis.  
Hinc etenim tibi forte nouæ contagis origo  
Omnis, & euentus tanti uia prima patefcet.  
Aspice candentes magni qua Cancer olympi  
Excubat ante fores: & brachia pandit aperta.  
Hinc diræ facies, hinc se diuersa malorum  
Ostendent portenta: una hac sub parte uidebis  
Magna coisse simul radijs ardentibus astra:  
Et coniuratas sparisse per æra flammæ:  
Flammæ, quas longe tumulo sirenis ab alto  
Prospiciens senior uates, quem diæ per omnes  
Cælicolumq; domos duxit, docuitq; futura  
Vraniæ: miseræ, inquit, defendite terras  
O' superi, insolitam uideo per inania ferri

Illuuiem: & magnos cæli tabescere tractus.

Bella etiam Europæ miseræ, bella impia, & agros  
Ausoniæ, passim currentes sanguine cerno.

Dixit: & illa etiam scriptis uentura notauit.

Mos superum est, ubi secula uagus sol certa peregit,

Ab Ioue decerni fata: & cuncta ordine pandi,

Quæcunq; uentura manent terrasq;, polumq;.

Quod tempus quum iam nostris uenientibus annis

Instaret: rerum summus sator, & superum rex

Iuppiter, acciri socios in rebus agendis

Saturnum, Martemq; iubet. bipatentia Cancer

Limina portarum reseat: Dysq; atria pandit.

Conueniunt, quibus est fatorum cura gerenda.

Impiger ante alios flammis, ferroq; coruscans

Bellipotens Maiors: animis cui prælia, & arma,

Vindictaq; manent, & ouantes sanguine cædes.

Post placidus curru inuectus rex Iuppiter aureo

Insequitur (ni fata obstitent) pater omnibus æquus.

Postremus, longaq; uia tardatus, & annis

Falci fer accedit senior: qui haud immemor iræ

In natum ueteris, nato & parere recusans

Sæpe etiam cessit retro, & uestigia tor sit,

Multa minans, multumq; animo indignatus iniquo.

Iuppiter at folio ex alto, quo se solet uno

Tollere, percenset fata, & uentura resoluit,  
Multum infelicitis miserans incommoda terræ:  
Bellâq; fortunaq; uirum, casurâq; rerum  
Imperia, & prædas, adaperiâq; limina morti:  
In primis ignota noui contagia morbi:  
Morbi, qui humanæ nulla mansuescat opis ui.  
Assensere dei reliqui: concussus olympus  
Intremuit: tactusq; nouis defluxibus æther.  
Paulatim ærîj tractus, & inania lata  
Accepere lumen: uacuasq; insuctus in auras  
Marcor ijt: cælumq; tulit contagia in omne.  
Siue quod ardenti tot concurrentibus astris  
Cum sole, è pelago multos terrâq; uapores  
Traxerit ignea uis: qui misti tenuibus auris  
Correptiq; nouo uitio, contagia uisu  
Perrara attulerint: aliud siue æthere ab alto  
Demissum, late ærîas corruperit oras.

Quânq; animi haud fallor quid agat, quouë ordine cælû,  
Diccre, & in cunâtis certas perquirere causas,  
Difficile esse. adeo interdum per tempora longa  
Effectus trahit: interdum (quod fallere possit)  
Miscentur fors, & uarij per singula casus.  
Nunc age non id te lateat: super omnia miram  
Naturam, & longe uariam contagibus esse.

Solis nam sæpe arboribus fit noxius aër:  
Et tenerum germen, florumq; infecit honorem.  
Interdum segetem, & sata læta, anniq; labores  
Corripuit: scabrâq; ussit rubigine culmos:  
Et uitiata parens produxit semina Tellus.  
Interdum pœnas animalia sola dedere,  
Aut multa, aut certa ex ipsis. memini ipse malignam  
Luxuriam uidisse anni: multoq; madentem  
Autumnum perflatum aëstro: quo perditus omne  
Caprigenum genus è cunctis animantibus unum  
Corruit: à stabulis lætas ad pabula pastor  
Ducebat, tum forte alta securus in umbra  
Dum caneret, tenuiq; gregem mulceret auena:  
Ecce aliquam tussis subito irrequieta tenebat:  
Nec longe mora mortis erat. namq; æta repente  
Circum præcipiti lapsu, reuomensq; supremam  
Ore animam, socias inter moribunda cadebat.  
Vere autem (dictu mirum) atq; ætate sequenti  
Infirmas pecudes, balantumq; horrida uulgus  
Pestis febre mala miserum penè abstulit omne.  
Vsq; adeo uaria affecti sunt semina cœli,  
Et uariæ rerum species: numerusq; uicissim  
Inter mota subest, interq; mouentia certus.  
Nonne uides, quamuis oculi sint pectore anhelò

Expositi mollesq; magis: non attamen ipsos  
Carpere tabem oculos, sed sese immergere in imum  
Pulmonem: & pomis quanquam sit mollior uua:  
Non tamen ijs uitiatur: at ipsa liuet ab uua.  
Nempe alibi uires, alibi sua pabula desunt:  
At alibi mora certa: nec ipsa foramina multum  
Non faciunt, binc densa nimis, nimis inde soluta.

Ergo contagium quoniam natura, genusq;  
Tam uarium est: & multa modis sunt semina miri  
Contemplator & hanc, cuius cœlestis origo est:  
Quæ, sicut desueta, ita mira erupit in auras.  
Illa quidem non muta maris, turbamq; natantum,  
Non uolucres, non bruta altis errantia syluis,  
Non armenta bouum, pecudes uic, armenta uic equorum  
Infecit: sed mente uigens ex omnibus unum  
Humanum genus: & nostros est pascita sub artus.  
Porro homine è toto, quod in ipso sanguine crassum  
Et sordens lentore foret, fœdissima primum  
Corripuit, sese pascens uligine pingui.  
Tali se morbus ratione & sanguis habebant.  
Nunc ego te affectus omnes, & signa docebo  
Contagis miseræ, atq; utinam concedere tantum  
Musa queat: tantumq; uelit defendere Apollo.  
Tempora qui longa euoluit, cui carmina curæ:



Hæc multas mouimenta dies ut nostra super sint.  
Forte etenim nostros olim legisse nepotes,  
Et signa & faciem pestis nouisse, iuuabit.  
Nanq̃ iterum, quum fata dabunt, labentibus annis  
Tempus erit, quum nocte atra sopita iacebit  
Interitu data : mox iterum post secula longa  
Illa eadem exurget : cælumq̃ aurasq̃ reuerset:  
Atq̃ iterum uentura illam mirabitur ætas.

In primis mirum illud erat : quod labe recepta,  
Sæpe tamen quater ipsa suum compleuerat orbem  
Luna prius, quàm signa satis manifesta darentur.  
Scilicet extemplo non sese prodit aperte,  
Vt semel est excepta intus : sed tempore certo  
Declinet : & sensum uires per pabula captat.  
Interea tamen insolito torpore grauati,  
Sponte q̃ languentes animis, & munera obibant  
Aegrius : & toto segnes se corpore agebant.  
Ille etiam suus ex oculis uigor, & suus ore  
Deiectus color haud læta de fronte cadebat.  
Paulatim caries fædis enata pudendis  
Hinc atq̃ hinc inuicta locos, aut inguen edebat.  
Tum manifesta magis uitij se prodere signa.  
Nam simul ac puræ fugiens lux alma diei  
Cesserat : & noctis tristes induxerat umbra s:

Innatusq̃

Innatusq; calor noctu petere intima suetus  
Liquerat extremum corpus: nec membra fouebat  
Obsita mole pigra humorum: tum uellier artus  
Brachiaq; , scapulaq; , graui, suraq; , dolore.  
Quippe ubi per cunctas ierant contagia uenas:  
Humoresq; ipsos, & nutrimenta futura  
Polluerant. Natura malum scernere sueta  
Infectam partem pellebat corpore ab omni  
Exterius. uerum crasso quia corpore tarda  
Hæc erat, & lentore tenax: multa inter eundem  
Hærebat membris exanguibus, atque lacertis:  
Inde graues dabat articulis extenta dolores.  
Parte tamen leniore, magisq; erumpere nata,  
Summa cutis, pulsa, et membrorum extrema petebat.  
Protinus in formæ totum per corpus achores  
Rumpebant: faciemq; horrendam, & pectora fæde  
Turpabant: Species morbi noua: pustula summæ  
Glandis ad effigiem, & pituita marcida pingui.  
Tempore quæ multo non post ad aperta dehiscens,  
Mucosa multum sanie, taboq; fluebat.  
Quin etiam erodens alie, & se funditus abdens  
Corpora pascebat misere. nam sæpius ipsi  
Carne sua exutos artus squallentiaq; ossa  
Vidimus, & fædo rosa ora dehiscere biatu,

Ora , atq; exiles reddentia guttura uoces .  
Tum sæpe aut cerasis , aut Phyllidis arbore tristi ,  
Vidisti pinguem ex udis manare liquorem  
Corticibus : mox in lentum durefcere gummi .  
Haud secus hac sub labe solet per corpora mucor  
Diffluere : hinc demum in turpem concrefcere callum .  
Vnde aliquis uer ætatis , pulchramq; iuuentam  
Suspirans , & membra oculis deformia toruis  
Prospiciens , fædosq; artus , turgentiaq; ora ,  
Sæpe Deos , sæpe Astra miser crudelia dixit .  
Interea dulces somnos , noctisq; soporem  
Omnia per terras animalia fessa trahabant :  
Illis nulla quies aderat : sopor omnis in auras  
Fugerat : ijs oriens ingrata Aurora rubebat .  
Iis inimica dies : inimicaq; noctis imago .  
Nulla ceres illos , Bacchi non ulla iuuabant  
Munera : non dulces epulæ : non copia rerum :  
Non urbis , non ruris opes , non ulla uoluptas .  
Quamuis sæpe amnes nitidos , iucundaq; tempe ,  
Et placidas summis quassissent montibus auras .  
Dys etiam sparsaq; preces incensaq; templis  
Thura , & diuitibus decorata altaria donis :  
Dij nullas audire preces : donis ue moueri .

Ipse ego Cænonauum memini qua pingua diues

Pasceat Scibina præterfluit Olliis unda,  
 Vidisse insignem iuuenem : quo clarior alter  
 Non fuit, Ausonia nec fortunatior omni:  
 Vix pubescentis florebat uere iuuentæ,  
 Diuitijs, proauisq; potens, & corpore pulchro.  
 Cui studia, aut pernicious equi compefcere cursum:  
 Aut galeam induere, & pictis splendere in armis:  
 Aut iuuenile graui corpus durare palastra:  
 Venatûq; feras agere, & præuerrere ceruos.  
 Illum omnes Olliæ Deæ, Eridaniq; puellæ  
 Optarunt, nemorumq; Deæ, rurisq; puellæ,  
 Omnes optatos suspirauere hymenæos.  
 Forſan & ultores superos neglecta uocauit  
 Non nequicquam aliqua: & votis pia numina mouit.  
 Nam nimium fidentem animis, nec tanta timentem  
 Inuaſit miſerum labes, qua ſæuior uſquam  
 Nulla fuit: nulla unquam alijs ſpectabitur annis.  
 Paulatim uer id nitidum, flos ille iuuentæ  
 Diſperijt: uis illa animi: tum squallida tabes  
 Artus (horrendum) miſeros obduxit: & alte  
 Grandia turgebant fœdis abſceſſibus offa.  
 Vlcers (proba Diuum pietatem) inſormia pulchros  
 Paſcebant oculos, & diæ lucis amorem:  
 Poſcebantq; acri corroſas uulnere nares.

Quo tandem infelix fato post tempore paruo  
Aetheris inuisas auras lucemq; reliquit.  
Illum Alpes uicinæ, illum uaga flumina flerunt.  
Illum omnes Olliæ Deæ, Eridaniq; puellæ:  
Fleuerunt: nemorumq; Deæ, rurisq; puellæ:  
Sebinusq; alto gemitum Lacus edidit amne.  
Ergo hanc per miseras terras Saturnus agebat  
Pestem atrox: nec sæua minus crudelis & ipse  
Miscebat Mauors: coniunctaq; fata ferebat.  
Quippe luc hac nascente, putem simul omnia diras  
Eumenidas cecinisse fera & crudelia nobis.  
Tartareos etiam Barathro (dira omina) ab imo  
Exciuisse lacus, Stygiaq; ab sede laborem,  
Pestemq; horribilemq; famem, bellumq; necemq;  
Dij patrij, quorum Ausonia est sub numine: tuq;  
Tu latij Saturne pater, quid gens tua tantum  
Est merita: an quicquam superest diriq; grauisq;  
Quod sit inexhaustum nobis: ecquod genus usquam  
Auersum usque adeo cælum tulit: ipsa labores  
Parthenope dic prima tuos: dic funera regum,  
Et spolia, & prædas, captiuâq; colla tuorum.  
An stragem infandam memorem, sparsumq; cruorem  
Gallorumq; Italumq; pari discrimine: quum iam  
Sanguineum, & defuncta uirum, defunctaq; equorum

Corpora uoluentem, cristasq; atq; arma trabentem.  
Eridanus pater acciperet rapido agmine Tarrum ?  
Te quoque spumantem, & nostrorum cæde tumentem  
Abdua, non multo post tempore, te pater idem  
Eridanus gremio infelix suscepit: & altum  
Indoluit tecum: & fluuiio solatus amico est.

Ausonia infelix: en quo discordia priscam  
Virtutem, & mundi imperium perduxit auitum.  
Angulus anñe tui est aliquis: qui barbara non sit  
Seruitia, & prædas, & tristia funera passus ?  
Dicite uos, nullos soliti sentire tumultus,  
Vitiferi colles, qua flumine pulcher amæno  
Erethenus fluit: & plenis lapsurus in æquor  
Cornibus, Euganeis properat se iungere Lymphis.

O patria, o longum felix, longumq; quieta  
Ante alias, patria o Diuum sanctissima tellus  
Diues opum, sæcunda uiris, lætissima campis  
Vberibus, rapidoq; Athesi, & Benacide lymphæ,  
Erumnas memorare tuas, summamq; malorum  
Quis queat? & dictis nostros æquare dolores,  
Et turpes ignominias, & barbara iussa ?  
Abde caput Benace: tuo & te conde sub amne:  
Victtrices nec iam Deus interlabere Lauros.

En etiam, ceu nos agerent crudelia nulla:

Nec lachrymæ , planctus' ue forent : en dura tot inter ,  
Spes latij , Spes & studiorum , & Palladis illa  
Occidit . creptum Musarum é dulcibus ulnis  
Te miserum ante diem crudeli funere Marce  
Antoni , ætatis primo sub flore cadentem  
Vidimus extrema positum Benacide ripa :  
Quam media inter saxa sonans Sacra abluat unda .  
Te ripæ flere Athesis : te uoce uocare  
Auditæ per noctem umbræ , manesq; Catulli :  
Et patrios mulcere noua dulcedine Lucos .

Tempestate illa Ausoniam rex Gallus optimam  
Vertebat bello : & Ligurem ditione premebat .  
Parte alia Cæsar ferro superabat , & Igni  
Euganeos , placidumq; Silim , Carnumq; rebellem :  
Et totum luctus Latium , mæror q; tenebat .



HIERONYMI FRACASTORII  
SYPHILIS  
SIVE MORBUS GALLICUS  
LIBER . II.

n Vnc age quæ uitæ ratio quæ cura ad-  
bibenda

Perniciem aduersus tantam: quid tem-  
pore quoque

Conueniat (nostri quæ pars est altera cæpit)  
Expediam: & miranda hominum comperta docebo  
Quippe noua quum reattoniti, multa irrita primum  
Tentassent: tamen angustis sollertia maior  
In rebus, crescens que usu experientia longo  
Euicere: datum que homini protendere longe  
Auxilia: & certis pestem compescere uinculis:  
Victorem & se se claras attollere in auras.  
Credo equidem & quædam nobis diuinitus esse  
Inuenta: ignaros fati ducentibus ipsis.  
Nam quâquam fera tempestas, & iniqua fuerunt  
Sydera: non tamen omnino præsentia Diuum  
Abfuit à nobis, placidi & clementia cæli.  
Si morbum insolitum, si dura & tristia bella  
Vidimus, & sparsos dominorum cæde Penates:  
Oppidaq; incensasq; urbes; subuersaq; regna:

Et templa, & raptis temerata altaria sacris :  
Flumina deicētas si perrumpentia ripas  
Euertere sata : & medijs nemora eruta in undis ,  
Et pecora , & domini , correpta q̃ rura natarunt :  
Obsediq̃ inimica ipsas penuria terras :  
Hæc eadem tamen hæc ætas (quod fata negarunt  
Antiquis ) totum potuit sulcare carinis  
Id pelagi, immensum quod circuit Amphitrite  
Nec usum satis, extremo ex Atlante repostos  
Hesperidum penetrare sinus : Præsumq̃ sub Arcto  
Inspectare alia, præruptaq̃ littora Rhapti :  
Atq̃ Arabo aduchere, et Carmano ex æquore merces  
Auroræ sed itum in populos Titani : is usq̃ est  
Supra Indum, Gangemq̃ supra, qua terminus olim  
Catygare noti orbis erat : superata Cyambe,  
Et dices ebena, & felices Maccre siluæ.  
Deniq̃ & à nostro diuersum gentibus orbem,  
Diuersum cælo, & clarum maioribus astris  
Remigio audaci attingimus ducentibus & Dijs.  
Vidimus & uatem egregium, cui pulchra canenti  
Parthenope, placidusq̃ cauo Scæthus ab antro  
Plauserunt, umbra' q̃ sacri manesq̃ Maronis.  
Qui magnos stellarum orbis cantauit, & hortos  
Hesperidum, cæliq̃ omnes uariabilis oras.

Te nero ut taceam, atque alios, quos sania futura  
Post mutos cineres, quos & uenientia secla  
Antiquis conferre uolent: at Bembe tacendus  
Inter dona Deum nobis data non erit unquam  
Magnanimus Leo: quo Latium, quo maxima Roma  
Attollit caput alta: paterq; ex aggere Thybris  
Assurgit: Romaq; fremens gratatur ouanti.  
Cuius ab auspiciis iam nunc mala sydera mundo  
Cessere: & lato regnat iam Iuppiter orbe:  
Puraq; pacatum diffundit lumina cælum.  
Vnus qui crummas post tot, longosq; labores  
Dulcia iam profugas reuocauit ad otia musas  
Et leges Latii antiquas, rectumq; piump;  
Restituit: qui iusta animo iam concepit arma  
Pro re Romana, pro religione Deorum.  
Vnde etiam Euphrates, etiam late ostia Nili  
Et tantum Euxini nomen tremit unda refusi:  
Atq; Aegæa suos confugit Doris in Isthmos.

Ergo alij dum tanta canent: dum p illius acta  
Inclyta component: dum forte accingeris & tu  
Condere, & æternis uicturum intexere chartis;  
Nos, quos fata uocant haud tanta ad munera: lusus  
inceptos, quantum tenuis fert musa, sequamur.

Principio, quoniam affecti non sanguinis una

Est ratio, tibi sit morbo spes maior in illo,  
Sanguine qui insedit puro: uerum quibus atra  
Bile tument, & pissoq; resultant sanguine uenæ:  
Maior in ijs labor est: pestisq; tenacius hæret.  
Quare operæ pretium est ualidis atq; acribus uiri  
Omnibus hos contra, miseris nec parcere membris.  
Quin etiam meliora sibi promittere cuncta  
Ille potest, qui principijs nouisse sub ipsis  
Serpentem tacite ualuit per uiscera labem.  
Nanque ubi pasta diu, uires per pabula longa  
Auxerit: & iam se uitium firmauerit intra:  
Heu quanto tibi libertas speranda labore est.  
Ergo omnem impendens operam, te opponere paruis  
Principijs: memoriq; animo hæc præcepta reconde.

In primis ego non omni te assuescere cælo  
Exhorter, fuge perpetuo quod flatur ab Austro:  
Quod cæno, immundaq; graue est sudore paludis.  
Protenti potius campi mihi liber & agri  
Tractus, & apricis placeant in collibus auræ,  
Et molles Zephyri, pulsusq; Aquilonibus ær.  
Hic (iubeo) tibi nulla quies, nulla otia sunt.  
Rumpe moras: agita assiduus uenatibus apros  
Impiger, assiduus agita uenatibus urfos.  
Nec tibi sit labor acris cursu ardua montis

Vincenti, rapidum in ualles defletere ceruicem,  
Et longa lustrare altos indagine saltus.  
Vidi ego sæpe malum qui iam sudoribus omne  
Finisset: syluisq; lucem liquisset in altis.  
Sed nec turpe puta dextram summittere aratro:  
Et longum trahere incuruo sub uomere sulcum,  
Neue bidente solum, & duras proscindere glebas  
Et ualida acriam quercum exturbare bipenni:  
Atque imis altam eruere ab radicibus ornum.  
Quin etiam: exercere domi quo te quoque possis:  
Paruam mane pilam uersa tibi, uespere uersa.  
Et saltu, & dura potes exudare palæstra.  
Vince malum: nec te fallat, quod desidis otii  
Assidue desiderium, lætitiq; sequetur.  
Tu læto ne crede: graui ne crede sopori.  
His alitur uitium, & placide sub imagine pacis  
Decipit: è dulciq; trahit fomenta quiete.  
Nec non interea effugito quæ tristitia mentem  
Sollicitant. procul esse iube curasq;, metumq;  
Pallentem, ultricesq; iras, omnemq; Minerva  
Addictum studijs animum, sed carmina, sed te  
Delectent, iuuenumq; chori, mistæq; puellæ:  
Parce tamen ueneri: mollesq; ante omnia uita  
Concubitus, nihil est nocuum magis, odit & ipsa

Pulchra Venus, teneræ contagem odere puellæ. V

Quod sequitur: uictus ratio tibi maxima habenda est:

Nec sit cura tibi, neue obseruantia maior. IV

Principio, quoscunq; amnes, quascunque paludes,

Quosque lacus liquidi pascunt, quosq; æ quora pisces,

Omne genus procul amoueo. sunt quos tamen usus

Liberius, quum res cogit, concedere possit.

Omnibus bis est alba caro, non dura, tenaxq;

Quos petra, & fluiorum aduersamariisq; fatigant.

Tales nant pelago Phycides, rutilaq; per undas

Aurata, Gobiq; & amantes saxea Percæ.

Talis dulci fluum fluiorum Scarus ad ora

Solus saxa inter depastas ruminat herbas.

Sed neq; quæ staguis uolucres, quæq; amnibus altis

Degere amant, liquidisq; cibum perquirere in undis:

Laudarim. tibi pinguis Anas, tibi crudior Anser

Vitetur: potiusq; iugil Capitolia seruet.

Viteturq; gram Coturnix tarda sagina.

Tu teneros lactes, tu pandæ abdomina Porcæ,

Porcæ heu terga fuge: & lumbis ne uescere aprinis:

Venatu quamuis toties confeceris Apros.

Quin neque te crudus Cucumis, non tubera captent:

Neue famem Cinara, Bulbisue salacibus exple.

Non placeat mihi lactis amor: non usus aceti:

Non fumosa mero Spumantia pocula bacebo .  
Qualia Cynæicollis, campiq; Falerni ,  
Et Pucinus ager mittunt : aut qualia nostris  
Rhetica dat paruo de collibus uua racemo .  
Nempe Sæbina magis placeant : dilutæque tellus  
Quæ tulit : & multo domuerunt Naiades amne .  
At tibi si ex horto uictus , mensæque Deorum  
Sunt animo : atq; olerum simplex & inempta uoluptas :  
Non Mentæ uirides , non læta Sisymbria desunt ,  
Intybaq; , & toto florentes frigore Sonchi .  
Et Sia fontanis semper gaudetia riuis .  
Et Thymbræ suauis , & odorifera Calamintha .  
Læta Meliphylla , & riguo Buglossus ab horto  
Carpantur : plenisq; ferax Erucula palmis ,  
Atq; Olus , atq; Rumex , & salsi gramina Criethmi .  
Ipsa Lupum diuicta ferent . hinc collige primos  
Asparagos : albæ asparagos hinc collige uitis :  
Quum nondum explicuit ramos : umbracula nondum  
Texuit : & uirides iussu pendere corymbos .  
Singula sed longum est , nec percensere necesse .  
Iamq; aliud uocor ad munus . iuuat in noua Musas  
Naturæ nemora Aonijs deducere ab umbris :  
Vnde mihi si non è lauro intexere fronti  
Serta uolent : tantaq; caput cinxisse corona :



At saltem ob seruata hominum tot millia : dignum  
Censuerint quer na redimiri tempora fronde.  
Vere nouo , si quem morbus tenet : aut & in ipso  
Autumno , si firma ætas : si sanuguis abundat :  
Regalem , mediam ué lacerti incidere uenam ,  
Proderit : atq; extra sædatum haurire cruorem.  
Præterea , quocunq; habeat te tempore pestis :  
Corruptum humorem , & contagem educere turpem .  
Ne pigeat , faciliq; luem deponere ab aluo .  
Ante tamen ducenda , para : concreta resoluere :  
Et crassa attenua : & lentore tenacia frange .  
Ergo Coryciumq; Thymum sit cura , Thymumq;  
Pamphylum , Thymbræ similis qui durior exit :  
Prima tibi coxisse , Lupiq; uolubile gramen ,  
Fœniculumq; , Apiumq; , & amari germina Capni .  
His Polyporum hirtos imitata Filicula cirros  
Additur , & nymphis tangi renuens Adiantus :  
His sterile Asplenium , his pictam Phyllitida iunge .  
Quorum ubi decoctum permultis ante diebus  
Ebiberis : crudumq; humorem incoxeris omnem :  
Tum Scylla medicare acri , & colocyntide amara .  
Helleborosq; graui : nec non quæ in littore surgens ,  
Qua ludit maris unda , ter euariata colorem ,  
Ter flores mutata die , rem nomine signat ,

Herba potens radice : suum cui Zinziber adde :  
Adde etiam anguineum Cucumin, Nabaḥāq̃ Thura,  
Myrrhāq̃, Bdēlām̃q̃, Hammoniāq̃ liquorem,  
Et lacrymam Panaccam, & dulci Colchica bulbo.

His actis, si forte tibi frigentia corda.

Et molles animi fuerint : nec acerba placebit

In primis tentare : breuiq̃ extinguerē pestem:

Sed placidis agere, & per tempora lenibus uti.

Tum superest tibi cura animum ad fomenta relicta

Vertere, contagisq̃ ad tenuia semina cæcæ.

Ille quidem consueta modis inserpere miris.

Profuerint igitur quæq̃ exsiccantia, quæq̃

Marcori resinosa solent obsistere putri.

Tales sunt Myrrhæ lacrymæ : sunt talia Thura,

Cedrusq̃, Aspalathusq̃, immortalisq̃ Cupressus,

Et bene cum calamo spirans redolente Cyperus.

Ergo nec desint Casia : nec desit animum,

Maceruē, Aggalocum uetibi, nec Cinnama odora.

Est etiam in pratis illud, iuxtaq̃ paludes

Scordion, omnigenis quod tantum obstarē uenenis,

Contagisq̃ solet : paruo quærenda labore

Herba tibi, uiret ipsa comis imitata Chama dryn,

Flore rubens, referensq̃ Alli cum uoce saporem.

Aurora nascente huius frondemq̃ comantem

Radicesq; coque : atque haustu te prolue largo .  
Sed neq; carminibus neglecta silebere nostris  
Hesperidum decus , & Medarum gloria Citre .  
Sylvarum : si forte sacris cantata Poëtis  
Parte quoq; hac medicam non dedignabere Musam .  
Sic tibi sit semper uiridis coma , semper opaca ,  
Semper flore nouo redolens : sis semper honusta  
Per uiridem pomis syluam pendentibus aureis .  
Ergo ubi nitendum est cæcis te opponere morbi  
Seminibus : ui mira arbor Ciberæ præstat .  
Quippe illam Ciberæ , suum dum plorat Adonim ,  
Munere donauit multo : & uirtutibus auxit .

Quorûdam inuentum est . uitrei intra concaua uasis ,  
Cui collum oblongum est : uenter turgescit in orbem :  
Aut Hedera folia , aut Ida mittente maniplos  
Dictamus , ill' yricâ mæ Irim , Thamni' ue migrantem  
Radice , aut Inulas coquere . in sublime solutus  
Effertur uapor : & tenuis uacua omnia complet .  
Ast , ubi frigenti occurssant ab ære uitro :  
Cogitur : & rorem liquidus densatur in udum :  
Decurritq; uasis per aperta canalâ riuus ,  
Destillantis aquæ cyathum sub lumina prima  
Luciferi potare iubent , stratisq; parare  
Sudorem : nec certe ab re . uis utilis olli est ,

Reliquias

Reliquias morbi tenues dispergere in auras.

Interea si membra dolor conuulsa malignus  
Torqueat : æsypo propera lenire dolorem ,  
Masticinó q̃ oleo : lentum quibus anseris unguen ,  
Emulsum q̃ potes Lini de semine mucum ,  
Narcissumq̃ Inulamq̃ liquentiáq̃ , addere mella ,  
Coryciumq̃ Crocum , & uilem componere Amurcam .  
At fauces , atq̃ ora malus si eroserit Herpes :  
Tange Nitro , & uiridi medicata Aerugine lymphæ :  
Semina inure mala , & serpentem interfice pestem .

Verum ipsos ope non alia consumere Achores .  
Vrentum quàm ui poteris , quibus addere debes .  
Pingue aliquid : quod secum intus siccantia portet .  
Hæc eadem & miseros artus si qua ulcera pascunt :  
Tollere , concretosq̃ ualebunt soluere callos .

Si uero aut hæc nequicq̃ tentasse uidebis ,  
Aut uires , animiq̃ ualent ad fortia quæque :  
Nec differre cupis , quin te committere acerbis  
Festines , diramq̃ breui consumere pestem :  
Hinc alia inuenta expediam : quæ tristitia quanto  
Sunt magis , hoc tanto citius finire labores ,  
Erumnasq̃ mali poterunt . quippe effera labes  
Iuret prima tenax , & multo fomite uiuax  
Ne dum se haud uinci placidis & mitibus , at nec

Traētari sinit : & mansuēscere dura repugnat .  
Sunt igitur Syracem in primis qui, Cinnabarinūq;  
Et Minium, et Stimmi agglomerant , et Thura minuta:  
Quorum suffitu pertingunt corpus acerbo:  
Absumuntq; luem miseram , & contagia dira .  
At uero & partim durum est medicamen , & acre:  
Partim etiam fallax : quo faucibus angit in ipsis  
Spiritus: eluctansq; animam uix continet ægram.  
Quo circa totum ad corpus nemo audeat uti  
Iudice me . certis fortasse erit utile membrīs:  
Quæ Papulæ informes, Chironiāq; ulcera pascunt .  
    Argento melius persoluunt omnia uiuo  
Pars maior . miranda etenim uis insita in illo est:  
Siue quod id natum est subito frigusq; calorcmq;  
Excipere : unde in se nostrum cito contrahit ignem  
Quodq; est condensum , humores dissoluit , agitq;  
Fortius : ut candens ferrum flamma acrius urit:  
Siue acres , unde id constat compagine mira ,  
Particulæ, nexūq; suo uinclisq; solutæ  
Introrsum , ut potuere seorsum in corpora ferri:  
Colliquant concreta : & semina pestis murunt .  
Siue aliam uim fata illi , & Natura dedere.  
Cuius & inuentum medicamen munere Diuum  
Digressus referam . quis enim admiranda Deorum

Munera præcreat : Syria nam forte sub altis  
Vallibus , umbrosi nemora inter glauca saliceti  
Callirhoe qua fonte sonans decurrit amæno,  
Fama est, cultorem Diis sacri agrestibus horti  
Cultorem nemorum , sectatoremq; ferarum  
Ilcealabe grauem tanta , dum molle Cyperum ,  
Et castiam , & syluam late fragrantis Amomi  
Irrigat : hæc orasse Deos , & talia fatum.

Dij , quos ipse diu colui : tuq; optima tristes  
Callirhoe quæ sancta soles depellere morbos :  
Cui nuper ramosa ferens ego cornua cerui  
Acëria uictor fixi capita horrida quercu:  
Dii mihi crudelem misero si tollere pestem  
Hanc dabitis , quæ me afflictat noctesq; diesq; :  
Ipse ego purpureas , ipse albas , ueris & horti  
Primitias , uobis uiolas , ego lilia uobis  
Alba legam , primasq; Rosas , primosq; Hiacyntbos :  
Vestraq; odoratis onerabo altaria fertis.  
Gramen erat iuxta uiridans . sic fatus , ut æstu  
Fessus erat , uiridi descendit graminis herba.  
Hic dea uicino , quæ se se fonte lauabat ,  
Callirhoe liquido ex antro per lubrica musco  
Saxa fluens , iuueni dulci blandita susurro,  
Lethæum immisit somnum : & parsuq; sopore

Graminea in ripa, & Salicum nemus inter opacum:  
Atque illi uisa est sacro se flumine tollens  
In somnis coram esse: pia & sic uoce locuta.  
Il cœu in extremo Dnis tandem audire labore  
Cura mei, tibi nulla salus quacunq̃ uidet Sol  
Speranda est terram magnam super, hoc tibi pœnæ.  
Dat triuia, & precibus Triuiæ exoratus Apollo,  
Ob sacrum iaculo percursus ad flumina Cœrum,  
Et nostris affixa tibi capita horrida truncis.  
Nam postquam illa feram exanimem per gramina uidit  
Absciso capite: & sacro sparsa arua cruore:  
Omnibus ingemuit syluis: dirumq̃ precata est  
Authori, oranti Latous tanta sorori  
Affuit: & pestem misero immisere nefandam  
Durus uterq̃ tibi, quin & quacunq̃ uidet Sol,  
Interdixit opem, quare tellure sub ima,  
Si qua salus supere est, cæca sub nocte petenda est.  
Est specus arboribustectum, atque horrore uerendum  
Vicina sub rupe, Iouis qua plurima sylua  
Accubat: & raucum reddit coma Cedria murmur.  
Huc, ubi si primis Aurora emittet ab undis  
Ira para: & nigrantem ipsis in faucibus agnam  
Maculato supplex, atq̃ Ops tibi maxima, dic, hanc,  
Dic serio, nigram tum Noctem, umbrasq̃ silentes,



Vmbrarumq; Deos ignotaq; numina Nymphas  
Et Thia uenerare, atræ & nidore Cupressi.  
Hic tibi narranti causam, auxiliumq; uocanti  
Haud aberit Dea, quæ cæcæ in penetralia terræ  
Deducat te sancta: & opem tibi sedula præstet.  
Surge age: nec uani species tibi concipe somni.  
Illa ego sum, quæ culta uago per pingua fonte  
Dilabor, Dea uicinis tibi cognita ab undis.  
Sic ait, & se cæruleo cita condidit amne.

Ille autem ut placidus cefsit sopor, omnia lætus.  
Accipit, & Nympham precibus ueneratur amicam.  
O sequor, o quocunq; uocas pulcherrima fontis  
Vicini Dea Callirhoe. Tum postera primum  
Exurgens Aurora, suos ubi protulit ortus:  
Monstratum Iouis in silua sub rupibus altis  
Antrum ingens petit: & nigrantem tergora prima,  
Vestibulo sistit pecudem, magnæq; trementem  
Mactat Opi: tibiq; inquit, ego hæc Ops maxima macto.  
Tum Noctem, noctisq; Deas, ignota precatur  
Numina. iamq; simul Thian, atramq; Cupressum  
Vrebat, quum uox terræ reuoluta cauernis  
Longe audita sacras Nympharum perculit aures.  
Nympharum, quibus æra solo sunt condita curæ.  
Ex templo commotæ omnes: ac cæpta reponunt.

Sulfureos forte ut latices, & flumina iui  
Argenti, mox unde nitens concre sceret aurum,  
Traētabant: gelidōq; prementes fonte coquebant.  
Centum ignis & pis si radios, centum ætheris usti  
Bis centum concretorum terrāq; marisq;  
Miscuerant, nostros fugientia semina uisus.

At Lipare Lipare argenti cui semina & auri  
Cura data, & sacrum flammis adolere bitumen:  
Continuo obscuræ latebrosa per auia terræ  
Ilcea adit: firmansq; antinum sic incipit ipsa.

Ilceu ( nanque tuum nec nomen, nec mihi labes  
Ignota est: nec quid uenias ) iam corde timorem  
Exue. nequicquam non te huc carissima mittit  
Callirhoe. tibi parta salus tellure sub ima est.  
Tolle animos: & me per opaca silentia terræ  
Insequere. ipsa adero: & præsentī numine ducam,  
Sic ait: & se antro gradicens præmittit opaco.

Ille subit, magnos terræ miratus hiatus,  
Squallentesq; situ æterno, & sine lumine uastas  
Speluncas, terrarūq; meantia flumina subter.  
Tum Lipare. hoc quodcunq; patet, q̄ maxima terra est,  
Hunc totum sine luce globum, loca subdita nocti  
Dii habitant. imas retinet Proserpina sedes:  
Flumina supremas, quæ sacris concita ab antris

In mare per latus abeunt resonantia terras .  
In mediocites Nymphæ : genera unde metalli,  
Aerisq; , argentiq; , auriq; nitentis origo .  
Quarum ego nunc ad te miserans ipsa una sororum  
Aduenio , illa ego : quæ uenas per montis biantes ,  
Callirhoe haud ignota tuæ , fumantia mitto  
Sulfura . sic ibant terra , & caligine tecti .  
Iamq; exaudiri crepitantes sulfure flammæ ,  
Conclusiq; ignes , & tridentiaq; æra caminis .  
Hæc regio est late uarnis ubi fœta metallis ,  
Virgo ait , est tellus : quorum uos tanta cupido  
Exercet , superas cœli qui cernitis auras .  
Hæc loca mille Deæ cæcis habitamus in antris :  
Nocte Deæ & Tellure satæ : quis munera mille ,  
Mille artes . & studium est aliis deducere riuos :  
Scintillas alius rimari , & sparsa per omnem  
Semina tellurem flammarum , ignisq; corusci .  
Materiam miscent aliæ : massamq; coërcent  
Obicibus , multa & gelidarum inspergine aquarum .  
Non procul eruptis fumantiatecta caminis  
Aetnæi Cyclopes habent : uersantq; , coquuntq;  
Vulcano & tridente , atq; æra sonantia cudent .  
Læua hæc abstrusum per iter uia ducit ad illos .  
Dextera sed sacri fluminis te sistet ad undam ,

Argento fluitantem undam, uiuôq; metallo  
Vnde salus speranda. & iam aurea tecta subibant,  
Rorantesq; domus spodiis, fuliginèq; atrata  
Spluncas uariæ obductas, & sulfure glauco  
Iamq; lacus late undantes, liquidôq; fluentes  
Argento iuxta astabant: ripasq; tenebant.  
Hic tibi tantorum requies inuenta laborum,  
Subsequitur Lipare: postquam ter flumine uiuo  
Perfusus, sacra uitium omne reliqueris unda.  
Sic fatur. simul argenti ter fonte salubri  
Perfundit: ter uirginis dat flumina palmis  
Membra super: iuuenem toto ter corpore lustrat.  
Mirantem exuias turpes: & labe maligna  
Exutos artus, pestemq; sub amne relictam.

Ergo age, quum primum cæli te purior aer  
Accipiet: nitidamq; diem, Soleniq; uidebis:  
Sacra para: & castam suplex uenerare Dianam,  
Indigenasq; Deos, & numina fontis amici.

Sic Virgo: & iuuenem tanto promunere grates  
Soluentem c nocte ætherias educit in oras:  
Dimittitq; alacrem, atque optata in lumina reddit.

Accipit noua fama fidem: populosq; per omnes  
Prodiit baud fallax medicamen. cæptaq; primum  
Misceri argento fluitanti axungia porcæ,

Mox

Mox etiam Oriciæ simul adiuncta est Terebinthi,  
Et laricis resina aëriæ . sunt qui unguen equinum  
Vrsinumue adhibent , Bæla, Cedriq; liquo: em .  
Nonnulli & Myrrhæ guttas , & mascula Thura  
Adjiciunt: Miniumq; rubens, & Sulfura uiua.  
Haud uero mihi displiccat , componere si quem  
Trita Melampodia , atque arentem iuuerit Irim,  
Galbanâq; , & Lasser graue olens , oleumq; salubre  
Lentisci , atq; oleum haud experti Sulfuris ignem.

His igitur totum oblinere , atq; obducere corpus  
Ne obscœnum , ne turpe puta . per talia morbus  
Tollitur: & nihil esse potest obscœnius ipso.  
Parcetamen capiti: & præcordia mollia uita.  
Tum super & uittas astringe : & Stuppea nocte  
Vellera, dein stratis tegmento imponere multo ,  
Dum sudas : sædâq; fluant per corpora guttæ.  
Hæc tibi bisquinis satis est iterasse diebus .  
Durum erit, at quicquid tulerit res ipsa, ferendum est.  
Aude animis , tibi certa salus stans limine in ipso  
Signa dabit. liquefacta mali excrementa uidebis  
Assidue sputo immundo fluitare per ora :  
Et largum ante pedes tibi mirabere flumen.  
Ora tamen sæda erodent ulcuscula : sed tu  
Lacte fove : & cocto Cytini , uiridisq; Ligustri.

Tempore non alio generosi pocula bacchi  
Annuerim sumenda tibi: purumq; Falernum,  
Et Chia, & pateris spumantia Rhetica largis.

Sed iam age uicinæ uictor gratare saluti.  
Vltima adeſt tibi cura, eadē & placidiſſima: corpus  
Abluere, & luſtrare artus, ac membra piare  
Stœchade, Amaracinisq; comis, & Rore marino,  
Verbenaq; ſacra, & bene olentibus Heracleis.

Ed iam me nemora alterius felicia  
mundi,

f Externiq; vocant salus. longe asso  
nat æquor.

Herculeas ultra metas: et littera lōge

Applaudunt semota. mihi nunc magna Deorum  
Munera, & ignoto deuēta ex orbe canenda est  
Sancta arbor: quæ sola modum, requiemq; dolori  
Et finem dedit erumnis. age Diua beatum  
Vranie uenerare nemus: crinesq; reuinctam  
Fronde noua, iuuet in medica procedere palla  
Per latium: & sanctos populis ostendere ramos:  
Et inuict haud unquam nostrorum ætate parentum  
Visa prius, nullūe unquam memorata referre.

Vnde aliquis forsan nouitatis imagine mira  
Captus, & heroas & grandia dicere facta:  
Assuetus, canat auspicijs maioribus ausas  
Oceani intacti tentare pericula puppes.  
Nec non & terras uarias, & flumina, & urbes;  
Et uarias memoret gentes, & monstra reperta:  
Diuensasq; plagas: alióq; orientia cælo  
Sydera, & insignem stellis maioribus Arcton.



Nec taceat noua bella: omnemq; illata per orbem  
Signa nouum, & positas leges, & nomina nostra.  
Et canat ( auditum quod uix uenientia credant  
Secula) quodcunque Oceani complectitur æquor  
Ingens, omne, una obitum mensumq; carina.  
Felix, cui tantum dederit Deus, at mihi uires  
Arboris unius satis est, usumq; referre:  
Et quo inuenta modo fuerit: nostrasq; subiauras.  
Aduena per tantum pelagi peruenerit æquor.

Oceano in magno, ardenti sub sydere Cancrī,  
Sol ubi se nobis media iam nocte recondit,  
Hac ignota tenus, tractu iacet insula longo:  
Hispanam gens inuentrix cognomine dixit:  
Auri terra ferax: sed longe ditior una  
Arbore. uoce uocant patrij sermonis Hyacum.  
Ipsa teres, ingensq;, ingentem uertice ab alto  
Diffundit semper uiridem, semperq; comantem  
Arbutis syluam folijs. nux parua, sed acris,  
Dependet ramis: & plurima frondibus hæret.  
Materia indomita est: duro & pènè æmula ferro  
Robora: quæ resinam sudant incensa tenacem.  
Dissecte color haud simplex. in cortice, lauri  
Exteriore uiret leuor: pars altera pallet  
Buxea: at interior nigro suffusca colore est,

Iuglandemqꝫ, Ebumqꝫ inter . quod si inde ruberet:  
Iam poterat uarijs æquare coloribus Irim.  
Hanc gens illa colit: studioqꝫ educere multo  
Nititur: hac late colles campiꝫ patentes,  
Hac omnis uestitur ager. nec sanctius illis  
Est quicquam, aut potiore usu. quippe omnis in illa  
Spes tacet hanc contra pestem: quæ cælitus illic  
Perpetua est. ualidos abiecto cortice ramos  
Multa ui tundunt: aut in segmenta minuta  
Elimant: puróqꝫ scobes in fonte reponunt,  
Dum bibulas noctemqꝫ diemqꝫ emaceret humor.  
Inde coquunt, nec non illos ea cura fatigat:  
Vulcano ne forte furens erumpat aquæ uis:  
Et superundantem Spumam proicet in ignes.  
Spuma quippe linunt, si quicquam è corpore toto  
Abscedit: si quicquam ægros depascitur artus.  
Dimidia absumpta, superest quodcunqꝫ reponunt  
Diuini laticis. quin & segmenta relicta  
Rursus, ut ante, coquunt, addentes suaueliquens Mel.  
Scilicet hunc unum mensis accedere potum,  
Et lex ipsa iubet gentis, mandatqꝫ sacerdos.  
Seruatum at laticem, & decocti pocula primi  
Bina die quaqꝫ assumunt, quum surgit abortu  
Lucifer, & sero egreditur quum Vesper olympo.

Nec prius abſiſtunt potu, quàm menſtrua curſum  
Luna ſuum, & totum peragrans perfecit orbem:  
Fraternasq; iterum conuenerit æmula bigas.  
Interea cæcis ſe ſe penetralibus abdunt:

Quo neque uis uenti, non alitus aëris ullus

Inſinuet ſe ſe: & gelidis afflatibus obſit.

Quid mirandum æque memorem ſuper omnia uictū

Quàm tenuem, quàm magna ſibi ieiunia poſcant:

Quippe ſolet ſatis eſſe, ipſum dum corpus alatur:

Dum ſuperet uita: & tantum ne membra fatiſcant.

Netamen ab ne tanta time: ſacer ilicet hauſtus

Ille uſdo Ambroſiæ, uires reficiūq; fouetq;

Inq; occulta gerit ieiunis pabula membris.

Nectare ab epoto binas, non amplius, horas

Imponunt ſe ſe ſtratis: medicamen ut intro

Large eat: & calido ſudorem è corpore ducat.

Interea uacuas peſtis uaneſcit in auras:

Et (dictū mirum) apparet iam puſtula nulla:

Iamq; Nomæ ceſſere omnes: iam fortia liquit

Membra dolor: primòq; redit cum flore iuuenta:

Et iam Luna ſuum remeans noua circuit orbem.

Quis Deus hos illis populis monſtrauerit uſus:

Qui demum & nobis caſus, aut fata tulere

Hos ipſos: unde & ſacræ data copia ſyluæ:

Nunc referam. Missæ quæ situm abscondita Nerei  
Aequora in occasum Solisq; cubilia pinus,  
Litoribus longe patrijs, Calpæq; relictis,  
Ibant oceano in magno: pontumq; secabant  
Ignaræ puæ, & longis erroribus actæ.  
Quas circum innumera properantes gurgite ab omni  
Ignota noua mostra maris Nereides uide  
Adnabant: celsas miratæ currere puppes,  
Salsa super pictis uolitantes æquora uelis.

Nox erat: & puro fulgebat ab æthere Luna,  
Lumina diffundens tremuli per marmora ponti:  
Magnanimus quum tanta heros ad munera satis  
Delectus, dux errantis per cæcula classis,  
Luna, ait, o, pelagi cui regna hæc humida parent:  
Quæ bis ab aurata curuasti cornua fronte  
Curua bis explesti: nobis errantibus ex quo  
Non ulla apparet tellus: da litora tandem  
Aspicere, & dudum speratos tangere portus,  
Noctis honos cæliq; decus Latonia uirgo.  
Audiit orantem Phæbe: delapsaq; ab alto  
Æthere, se in faciem mutat, Nereia quali  
Cymothoe, Clothoq; natant: iuxtaq; carinam  
Astiuit: & summo pariter nans æquore satur.  
Ne nostræ dubitate rates: lux crastina terras

Ostendet : fidēq; dabit succedere portu .  
Sed uos littoribus primis ne insistite dudum .  
Vlira fata uocant . medio magna insula ponto  
Est Ophyre . huc iter est uobis : hic debita sedes  
Imperiūq; caput . simul hæc effata , carinam  
Impulit : illa leui cita dissecat æquora cursu .  
Aspirant faciles auræ : & iam clarus ab undis  
Surgebat Titan : humiles quum surgere colles  
Vmbrosi procul , & propior iam terra uideri  
Incipit . acclamant Nautæ : terramq; salutant :  
Terram exoptatam . tum portu & littore amico  
Excepti , Diis uota piis in littore soluunt :  
Quas satasq; rates , de fessaq; corpora curant .  
Inde ubi quarta dies pelago , crepitansq; uocauit  
Vela notus : remis insurgitur : altaq; rursum  
Corripiunt maria : & læti freta cœrula sulcant .  
Linquitur incerto fluitans Anthyllia ponto ,  
Atque Hagia , atque alta Ammerie , execrataq; tellus  
Cannibalum , & Ripa Cyane ncmorosa uirenti .  
Protinus innumeræ panduntur turribus altis  
Insulæ oceano in uasto : quas inter . opacis  
Vndantem syluis unam , cursuq; sonantem  
Fluminis aspiciunt : magno qui s; pumeus aluco  
In mare fulgentes auro subuectat arenas .

Huius

Huius in ora placet pronas appellere puppes .  
Inuitant nemora , & duces è flumine lymphæ .  
Iamq; solo uiridante alacres , ripaq; potius  
In prunis terram ignotam , Nymphasq; salutant  
Indigenas , geniumq; loci , teq; aurifer amnis ,  
Quisquis in arua maris nitida perlaberis unda .  
Tum duram Cererem , & patrii carchesia Bacchi  
Aggere in herboſo expediunt : dein quærere ſiqui  
Mortales habitent . pars ſuluam fluminis undam  
Mirari : miſtamq; auro diſquirere arenam .  
Forte per umbroſos ſyluarum plurima ramos  
Aſidue uolabat auis : quæ picta nitentes  
Cæruleo pennas , roſtro uariata rubenti ,  
Ibat natiuo ſecura per auia luo .  
Has iuuenum manus ut ſyluas uidere per alias :  
Continuo caua terrificis horrentia bombis  
Aëra , & flammiferum tormenta imitantia fulmen  
Corripiunt : Vlcane tuum , dum Theutonas armas ,  
Inuentum : dum tela Iouis mortalibus offers .  
Nec mora : ſignantes certam ſibi quique uolucrem ,  
Incluſam , ſalicum cineres , ſulphurq; , nitrumq; ,  
Materiam , accendunt ſeruata in reſte ſauilla .  
Fomite correpto diſfuſa repente furit uis  
Ignea circumſepta : ſimulq; cita obice rupto

Intrusam impellit glandem : uolat illa per auras  
Stridula : & exanimes passim per prata iacebant  
Deiectæ uolucres , magno micat ignibus ær  
Cum tonitru : quo sylua omnis, ripæq; recurua  
Et percussa imo sonuerunt æquora fundo.  
Pars autum nemus in densum conterrita, & altos  
Serècipit scopulos , quorum de uertice summo  
Horrendum una canit : ( dictu mirabile ) & aures  
Terrificis implet dictis : ac talibus in fit.

Qui Solis uiolatis aues , sacrasq; uolantes ,  
Hesperij , nunc uos , quæ magnus cantat Apollo ,  
Accipite : & nostro uobis quæ nuntiat ore.  
Vos , quanquam ignari , longum quæ sita , secundis  
Tandem parta Ophyræ tetigistis littora uentis.  
Sed non ante noua dabitur summittere terras,  
Et longa populos in libertate quietos ,  
Moliriq; uerbis, ritusq; ac sacra nouare :  
Quàm uos infandos pelagi terræq; labores  
Perpepsi , diuersa hominum post prælia, multi  
Mortua in externa tumuletis corpora terra.  
Nauibus amissis pauci patria arua petetis.  
Frustra alij socios quæretis magna remensi  
Æquora : nec nostro decrunt Cyclopes in orbe.  
Ipsa inter se se uestras discordia puppes



In rabiem ferrumq; trahet : nec sera manet uos  
Illa dies : fœdignoto quum corpora morbo  
Auxilium sylua miseri poscetis abista :  
Donec pœniteat scelerum , nec plura locuta  
Horrendum stridens densis se se abdidit umbris.  
Ollis ofsa rigor subitus percurrit : & omnis.  
Palluit : ac gelida fugit formidine sanguis.  
Tum uero sacras uolucres , Diuosq; precati,  
In primis Solem , & sanctum seruantia lucum  
Numina supplicibus uenerantur a grestia uotis:  
Pacem orant: rursumq; Ophÿren, fluiuiumq; salutāt.  
Interea c̃ syluis nigrum genus ora comasq; ,  
Ad naues noua turba uirum concurrat inermis  
Pectora nudi omnes , cuncti frondibus omnes  
Paciferis : tanta qui celsas mole carinas  
Mirati , uestesq; uirum , fulgentiaq; arma,  
Vix satis expleri possunt: & , ab æthere missi  
Siue homines , siue Heroes sint , siue Decorum  
Numina : adorantur ritu , precibusq; saluant :  
Ante alios ipsum Regem : cui munera læta  
E' ripis collectum aurum , & cerealia dona,  
Et patrios fructus , & mella liquentia portant .  
Vestibus ipsi etiam nostris , & munere multo  
Donati : exceptiq; mero noua gaudia miscent .

Non aliter, quàm si mensis, dapibusq; Decorum  
Mortalis quisquam adscitus, felixq; futurus,  
Hauriat æternum, cœlestia pocula, nectar.

Ergo ubi amicitia securos fœdere utrinque  
Firmare animos: habita & commercia gentis:  
Ipsi inter se se reges in litore læti  
Complexu iungunt dextras, & fœdera firmant  
Alter gossipio tenui pectusq; femurq;  
Præcinctus, viridi lumbum pingente Smaragdō:  
Ora niger: iaculo armatur cui dextera acuto:  
Squammosi spolum sustentat læua Draconis.  
Alter at intexto lænam circumdatus auro:  
Quam subter rutila arma micant: capiti ærea cassis  
Insidet: & pectus uolitant in uertice cristæ.  
Fulgenti ex auro torques cui candida colla  
Cingunt: atque ensis lateri dependet Iberus.  
Et iam commisti populi, hostiūq; precepti,  
Hi tectis domibusq;, altis in nauius illi,  
Lætitia ludisq; dies per pocula ducunt.

Forte loco lux festā aderat: Soliq; parabant  
Vltori facere umbroso sacra annua luco.  
Hesperiaq;, Ophirēq; manus conuenerat omnis.  
Hic conualle caua, ripa viridantis in herba,  
Selectorum ingens numerus, matresq; uirūq;

Confusi, plebs atque patres, pueriq; senesq;  
Astabant, animis tristes, & corpora fœdi,  
Squallentes crustis omnes, taboq; fluentes.  
Quos circumfusus albenti in ueste sacerdos  
Pura lustrat aqua, & ramo frondentis Hyaci.  
Tum niueum ante aras cædit de more iuuenicum.  
Et iuxta positum pastorem sanguine cæsi  
Respergit: pateraq; rigat. Soliq; potenti  
Ad numeros præana canit: nec cætera turba  
Non sequitur: mactantq; sues: mactantq; bidentes  
Visceribusq; ueru tostis epulantur in herba.

Obstupuit gens Europæ ritusq; sacrorum,  
Contagemq; alio non usquam tempore uisam.  
At dux multa animo tacitus secum ipse uolutans,  
Hic erat ille, inquit, morbus, (Di; auertite casum)  
Ignotum interpres Phœbi quem dira canebat.  
Tum regem indigenam, (ut sermo fandip; facultas  
Iam communis erat) cui sint solennia Diuum?  
Scitatur: quid tanta astet conualle subalta  
Languentum miseranda manus: quid pastor ad aras  
Sacra inter, cæsirespersus sanguine tauri?  
Quem contra, Hesperia; ò heros fortissime pubis,  
Rex ait, hi gentis ritus: hæc sacra quotannis  
Vltori de more Deo celebramus, origo

Antiqua est: ueteresq; patrum fecere parentes.  
Quod si externorum mores, hominumq; labores  
Auduisse iuuat: prima uia ab origine causam  
Sacrorum, & pestis miseræ primordia pandam.  
Forſitan Atlanus ueſtras peruenit ad aures  
Nomen, & ex illo generis longo ordine ducti.  
Hac & nos, longa ſerie, de ſtirpe proſecti  
Dicimur: heu quondam felix & cara Deum gens:  
Dum cælum colere, & ſuperis accepta referre  
Maiores ſucucere boni: ſed numina poſtquam  
Contemni cæptum eſt, luxu faſtûq; nepotum:  
Ex illo quæ ſint miſeros, quantaq; ſecutæ  
Erumnæ, uix ſando unquam comprehendere poſſem.  
Inſula tum priſci regis de nomine dicta  
Ingenti terræ concuſſa Atlantia motu  
Corruit, abſorpta oceano: quem mille Carinis  
Sulcauit toties, terræ regina marisq;.  
Ex illo & pecudes, & grandia quadrupedantum  
Corpora, non ullis unquam reparata diebus  
Aeternum periere. externaq; uictima ſacris  
Cæditur. externus noſtras eruer imbuir aras.  
Tum quoque & hæc infanda lues, quæ noſtra uidetis  
Corpora depaſci: quam nulli, aut denique pauci  
Vitamus: Diuum offenſis, & Apollinis ira

De cælo demissa , omnes grassatur in urbes.  
Vnde hæc sacra nouo primum solennia ritu  
Instituere patres quorum hæc perhibetur origo .

Syphilus (ut fama est) ipsa hæc ad flumina pastor  
Mille Boues : niueas mille hæc per pabula regi  
Alcithoo pascebat oues , & forte sub ipsum  
Solstitium , urebat sitientes Sirtus agros :  
Vrebat nemora : & nullas pastoribus umbras  
Præbebant syluæ : nullum dabat aura leuamen .  
Ille gregem miseratus , & acri concitus æstu ,  
Sublimem in solem uultus & lumina tollens  
Nam quid Sol te , inquit , rerum patremq; Deumq;  
Dicimus ? & sacras uulgus rude ponimus aras ?  
Maestatq; Boue , & pingui ueneramur acerra ?  
Si nostri nec cura tibi est : nec regia tangunt  
Armenta : an potius superos uos arbitrer uri  
Inuidia : mihi mille niuis candore Iuuentæ ,  
Mille mihi pascuntur Oues . uix est tibi Taurus  
Vnus : uix Aries cælo ( si uera feruntur )  
Vnus : & armenti custos Canis arida tanti .  
Demens quin potius Regi diuina faceffo ?  
Cui tot agri , tot sunt populi : cui lata ministrant  
Aequora : & est superis , ac Sole potentia maior .  
Ille dabit facilisq; auras : frigusq; uirentum

Dulce feret nemorum armentis : ædumq̃ leuabit,  
Sic fatus , mora nulla , sacras in montibus aras  
Instituit regi Alcuboo : & diuina facessit.  
Hæc manus agrestum : hoc pastorum cætera turba  
Exequitur : dant ibura focis incensa : litantq̃  
Sanguine taurorum : & fumantis viscera torrent.  
Quæ postquam Rex , in solio dum forte sederet  
Subiectos inter populos , turbamq̃ frequentem.  
Agnouit : Diuum exhibito gaudius honore,  
Non ullum tellure coli , se uindice , numen  
Imperat , esse nihil terra se maius in ipsa.  
Cælo habitare Deos : nec eorum hoc esse quod infra est.  
Viderat hæc , qui cuncta uidet : qui singula lustrat ,  
Sol pater : atq̃ animo secum indignatus , iniquos  
Intorsit radios : & lumine fulsit acerbo .  
Aspectu quo Terra parens , correptaq̃ ponti  
Acquora , quo tactus uiro subcanduit ær .  
Protinus illuies terris ignota profanis  
Exoritur . primus , regi qui sanguine fuso  
Instituit diuina sacrasq̃ in montibus aras,  
Syphilus , ostendit turpes per corpus Achores .  
Informes primus noctes , conuulsaq̃ membra  
Sensit , & à primo traxit cognomina morbus :  
Syphilidenq̃ ab eo labem dixere coloni .

Et mala

Et mala iam uulgo cunctas diffusa per urbes  
Pestis erat: Regi nec sciri pepercerat ipsi.  
It ir ad Ammericen sylua in Caribeside Nympham:  
Culiricem nemorum Ammericen: quæ maxima luco  
Interpres Diuum responsa carebat ab alio.  
Scitantur: quæ causa mali, quæ cura supersit.  
Illa refert. Spreti uos o, uos numina Solis  
Exercent. nulli fas est se æquare Deorum  
Mortalem. date iura Deo: & sua ducite sacra:  
Et numen placate: iras non profert ultra.  
Quam tulit, æterna est: nec iam renocabilis unquam  
Pestis erit. quicumque solo nascetur in isto:  
Sentiet. ille lacus Stygios, fatumq; scuerum  
Iurant. sed enim, si iam medicamina certa  
Expetitis: niueam magnæ mactate iuuentem  
Iunoni: magnæ nigramtem occidite uaccam  
Telluri. illa dabit felicia semina ab alto:  
Hæc uiridem educet felici è semine syluam:  
Vnde salus. simul obtineat: Sæcus intus, & omne:  
Excussum nemus: & circumstet horror ubiq;  
Illi obcunt mandata. sua ipsi altaria Soli  
Instituunt. niueam Iuno tibi magna iuuentem,  
Nigramtem Tellus mactant tibi maxima uaccam.  
Mira edam. (at diuos iuro, & monumenta parentū)



Hæc sacra, quam nemore hoc toto uos cernitis, arbor,  
Ante solo nunquam fuerat quæ cognita in isto:  
Protinus è terra uirides emittere frondes  
Incipit: & magna campis pubescere sylua.  
Annua confestim Soli facienda sacerdos  
Vltori noua sacra canit. deducitur ipse  
Sorte data, qui pro cunctis cadat unus ad aram,  
Syphilus. & iam farre sacro, uittisq; paratis  
Purpureo stabat tincturus sanguine culiros.  
Tutatrix uctuit luno, & iam mitis Apollo:  
Qui meliorem animam miseri pro morte, iuuentum  
Supposuere: seroq; solum lauere cruore.  
Ergo eius facti æternum ut monumenta manerent:  
Hunc morem antiqui primum statuere quotannis  
Sacrorum. ille tuum testatur Syphile crimen,  
Victima uana, sacras deductus pastor ad aras.  
Illa omnis, quam cernis, inops miserandaq; turba  
Tacta Deo est: ueterumq; luit commissa parentum.  
Cui uotis precibusq; pijs numerisq; sacerdos.  
Conciliat uates Diuos, & Apollinis iras.  
Lustrati ingentes ramos, & robora sanctæ  
Arboris aduectant tectis: libamine cuius  
Vi mirainfandæ labis contagia pellunt.

Talibus, atq; alijs tempus per multa trabebant

D'uerſis populi commiſti è partibus orbis .  
Interea Europæ fuerant quæ ad cara remiſſæ  
Littora , iam rurfus puppes freta lata remenſæ  
Mira ferunt : late ( prob fata occulta Deorum )  
Contagem Europæ cælo crebreſcere eandem :  
Attonitasq; urbes nullis agitare medelis .  
Quin etiam grauior naues it rumor in omnes :  
Illo eodem claſſem morbo , iuuenumq; teneri  
Haud numerum exiguum , & totis tabeſcere membris .  
Ergo haud immemores , diras ceciniſſe uolucres ,  
Affore , quum ſylua auxilium poſcatur ab illa :  
Continuo faciles Nymphas , Soleinq; precati  
Intacti nemoris ramos , & robora ab alto  
Conueſtare parant luco : medicatq; ſumunt  
Pocula , pro ritu gentis . quo munere tandem  
Contagem pepulcre feram . quin dona Deorum ,  
Haud patriæ obliti , & felicem ad littora ſyluam  
Noſtra iubent ferri : cælo ſi forſitan iſto  
Aſſimilem pellant labem , nec fata ſecundos  
Ipsa negant Zephyros : facilisq; aſpirat Apollo .  
Munera uos Diuum primi accepiftis Iberi ,  
Præſens mirati auxilium : nunc cognita Gallis ,  
Germanisq; , Scythiſq; , orbe & gaudiſa Latino  
Iam nunc Europam ueſta eſt Hu-yacus in omnem .

Salve magna Deum manibus sata semine sacro ,  
Pulchra comis , Spectata nouis uirtutibus arbos :  
Spes hominum , externi decus , Et noua gloria mundi:  
Fortunata nimis : natam si numina tantum  
Orbe sub hoc , homines inter gentemq; Deorum  
Perpetua sacram uoluissent crescere sylua .  
Ipsa tamen , si qua nostro te carmine Musæ  
Ferre per ora uirum poterunt : hac tu quoq; parte  
Nosceris cæloq; etiam cantabere nostro .  
Si non te Bactra , & tellus extrema sub Arcto  
Non Meroë , Libycisq; Ammon combustus arenis ,  
At Latium , at uiridis Benaci ad flumina ripa  
Audiet : & molles Athesi labente recessus .  
Et sat erit , si te Tiberini ad fluminis undam  
Interdum leget , & referet tua nomina Bemus .

F I N I S .

IMPRESSVM ROMÆ

apud Antonium Bladum

Asulanum .



# EMENDANDA.

**A** . iiii . a uer. xxxvii. terris . terris . **B** . iiii . uer. ix .  
 miri . miris : **E** uer. xxxviii . sensum . sensum . **C** . iiii .  
 uer. xxiii . uictrices . uictrices . **C** . iiii . uer. iiii . cœ  
 pit . cœpti . **D** . ij . uer. xviii . tristitia . tristitia . **D** .  
 iiii . uer. xliii . decoctum . decoctum . **E** . i . uer. xii . qui  
 bus . quibus : **E** uer. xxiii . Iuret . Inter : **E** uer. xl  
 dissoluit . dissoluit : **E** uer. xlv . murunt . inurunt . **E**  
 ij . uer. viii . cerum . ceruum : **E** uer. xxii . Ira . Ire .  
**E** iiii . uer. x . omnia . omina . **E** iiii . uer. iiii . atria .  
 atra . **F** . ij . uer. xxvii . subauras . subauras . **F** iiii .  
 uer. vii . monstra . monstra . **G** . j . uer. i . apelere .  
 appellere : **E** uer. ij . duces . dulces : **E** uer. xviii .  
 ulcane . Vulcane : **E** uer. xxxix . noua . nouas

